

We dat darenboven deide, den soldeme von stunt in  
de were panden vor viff schillinge.<sup>a)</sup>

Ok ensullen neyne borgere edir medewonere mit  
langen messzeren an den dantz gan. We dar mede beseyn  
worde, deme solden et de knechte nemen unde<sup>b)</sup> darto  
unser gnedigen herschap unde der stad verboten mit V β.

Ok ensullen neyne handwichten<sup>c)</sup> edir andere  
ledige knechte mit uns wonhaftich bynnen der stad  
unde in den tabernen lange messzere dragen. We ok  
fromede knechte hedde, de solde dat bii ön bestellen  
unde se vermogen, dat se solk bod helden, eder me  
sal se panden in de were vor V β.

Ok ensal neymant des nachtes up der straten unde  
in den tabernen unstür driven mit howende, stekende,  
slande, mit roypende, welkirleyge dat sii. We dar  
mede besecht edir vorgebracht worde, solde unsir  
gnedigen herschap unde der stad eyne mark geven edir  
sek des mit synem eyde entledigen.

Ok<sup>d)</sup> ensal neymant in den opin taverne unde  
berhuszen den avent boven XI uren to bere nicht sitten,  
de werdt ensal des auch nicht staden noch ber verkopen. We dat darenboven dede unde darmede besecht  
worde, dat were wert edder de gheste, scholde eyn  
jowek unser gnedigen herschap unde deme raide mit  
V β vorvallen sin, so vakene unde vele dat geschege,  
edder sek des mit oreme eede unschuldich maken.

#### [IV.] Feldpolizei und dergl.<sup>1)</sup>

Vortmer sin de amptman unde rad overkommen:  
We den andern over schaden betreyde eddir besecht

<sup>a)</sup> Vor schillinge β (*Schillingzeichen*). <sup>b)</sup> unde bis V β Zusatz  
von anderer Hand. <sup>c)</sup> *Handwerker*. <sup>d)</sup> Die durchstrichene, ur-  
sprüngliche Fassung lautete: Ok sal me des abendes in den ber-  
huszen boven XI uren nicht sin bii broke eyns pundes. We aver nicht rümen wolde, den solde de werd melden edir de broke  
sulves geven.

<sup>1)</sup> Vgl. Blschr. 1883 S. 226.